




Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL. 1.7.93/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.93/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.93/a



Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL. 1.7.93/a


book II his
26-1

HENRICI MEIBOMII
DE
MEDICORUM
HISTORIA SCRIBENDA
EPISTOLA

AD
V. CL.
GEORG. HIER. VELSCHIVM
Medicum Augustanum & Polyhistorum.



HELMESTADII,
Typis HENNINGI MÜLLERI Acad. Typ.
Anno MDCLXIX.



V. CL.

GEORG. HIERON. VELSCHIO

Medicinæ Doctori celeberrimo

HENRICVS MEIBOMIVS

S. P. D.

H quidem non sine singulari gaudio in memoriam redeo illius temporis, quo ante hos septem annos primus mihi ad tuam, Vir præstantissime, amicitiam patuit aditus. Innotueras pridem erudito orbi, mihi quæ raræ eruditionis de *Ægagropilis* commentario, ideoque in meo per AVGVSTAM vestram urbem transitu nihil magis desiderabam, quàm coràm intueri & salutare eum, quem in scriptis hætenus fueram veneratus. Excepisti autem me non tantum summa humanitate, sed eadem etiam abeuntem comitatus es, literasque in Italiam dedisti, quibus amicitia inter me & Cl. Virum *Carolus Offredum* contrahendæ pararius fuisti. Non fuisse autem illius brevi temporis spatio coalitæ amicitia lubricam apud te memoriam, vel inde patuit, quod nuper in doctissima in *Syllogem observationum* tuarum præfatione non meministi tantum mei, sed & invidendo elogio, quod ipsum affectui imputo, ornasti. Non reddam par pari, ne, novo nunc iterum beneficio obstrictus, adulari velle, & hic tui laudandi caprasse occasionem cuiquam videar. Cum præsertim scripta tua ubique ostendant, non tantum, quantum in Arte nostra exquisita eruditione & multo usu profeceris, sed quam variam præ-

A 2

terea

terea omnis bonæ doctrinæ tibi comparaveris suppellectilem, plurimumque linguarum, Orientalium, Græcæ, Latinæ, earumque, quæ hodie politioribus usui sunt & ornamento, Italicæ, Gallicæ, Hispanicæ peritissimis instructissimus. Cum autem eopse in loco Commentarii Parentis mei, *Euanagis*, JOHANNIS HENRICI MEIBOMII de Vitis Medicorum feceris mentionem, eumque à te desiderari non obscure significaveris, inde nata occasione hanc ad te Epistolam exarare volui, qua & illius institutum omne, & modum scribendi, & quid hætenus editionem remoratum, indicarem, simulque tuas opes ad locupletandum id scriptum sollicitarem.

Non dicam apud te, quantæ utilitatis sit istæc Vitarum descriptio, cum vel maxime tibi placeat: nec recensebo pluribus notissimos tibi, qui istæc opera demereri publicum voluerunt. Vetus enim est, describere Vitas virorum celebrium, qui vel meritorum magnitudine, vel commentationum doctarum monumentis famam nominis ad posteros transmissere: tum in singulis disciplinis catalogum & Indicem adornare, qui & nomina eorum, qui in emolumentum scientiæ quid contulerunt, in se contineat, & quæ aut qualia illa fuerint, uno quasi intuitu exhibeat. Qui vitas vel plurium vel unius digesserint, infiniti olim fuere, & sunt hodie etiamnum non pauci. Inter illos, quamvis ex veteribus Græcis recenseantur, *Satyrus, Amphicrates, Demetrius Byzantinus, Diocles, Lysanias, Megacles, Nicias, Socrates, Sosicrates, Aristoxenus Musicus, Theophrastus, Dicaarchus, Antigonus Carystius, Hermippus Peripateticus, Apollodorus, Phanius Peripateticus, Porphyrius*, pluresque alii: vetustatem tamen tantum pertulerunt *Diogenes Laertius, Plutarchus, Eunapius, Hesychius, Philostratus, Photius Patriarcha*: è Latinis *Cicero, Cornelius Nepos, Svetonius, Aurelius Victor*, & his recentiores *D. Hieronymus* (qui in præf. in lib. de script. Ecclesiast. non paucos enumerat) *Gennadius, Hieronymus*.

Honorius, Isidorus Hispalensis, Sigebertus Comblacensis &c. Morum,
 qui Catalogum saltem aut Indicem auctorum, ac quæ & qua-
 lia in singulis disciplinis quisque fuerit commentatus, pau-
 ciores extitere, non tamen nulli, qui confecerint. Iustinianus
 Imperator *icorum indicem* nobis exhibuit, quo & nomina
 ipsorum & numerum librorum conditorum in vestibulo lu-
 ris sui nobis ostentat. *Indicis Philosophorum* pridem meminit
 Cicero in oratore: *In philosophos vestros*, inquit, *si quando inci-*
di deceps Indicibus librorum, quod sunt ferè inscripti de rebus no-
is &c. Meminit & Seneca, atque ita meminit, ut Indices
 illos incitamento nobis esse credat ad illos imitandum & si-
 mile quid conandum, quorum nomina & scripta ob oculos
 nobis ponuntur. Meminit & Quintilianus, & Svetonius de
 Illust. Gramm. & Galenus comm. in Hipp. libr. de Artic.
 Athetis non uno loco Callimachum citat *ἐν τοῖς παραδομένοις*
συγγραμμάτων τίτλοι: in indice omnigenarum scriptorum. Ejusdem
τίτλων live *indicis* meminit Laertius, & Suidas, & Auctor
 Etymologici in *τίτλων*.

Horum omnium laudabile studium imitatus Parens
 meus *Historiam Medicam* live *de Medicis & rei Medice scriptori-*
bus synagmā conscripsit. Aliorum quidem vitas, aut parti-
 culam vitæ, aliorum tantum catalogum aut scriptorum in-
 dicem, quorundam ferè solum exhibet nomen, neminem
 facile data opera prateriens, quem aliquando in rerum na-
 tura fuisse lectione percepisset. Ex Philosophis quoque
 multi in hoc Medicorum catalogo comparent, quod nemo
 mirabitur. Nam & Philo-*σοφία* Democrito *ἀδελφὴ καὶ ἀνομή*,
 Tertulliano *soror Medicina* dicitur, aliis *Medicina Philosophiæ*
filia audit, sed *nata ante matrem*: veteresque Philosophi plu-
 rimi simul fuerunt Medici, si non opere, saltem cognitione.
 Non tamen temerè Philosophorum quenquam Medicis annu-
 meravit, quem non testimonio aliquo antiquitatis Medicinæ
 dedium aut peritum fuisse, aut ad Medicinam quid perti-

ment scripſiſſe ſimul oſtendit. Ita & non paucos Hieronum priſco-
rum & Regum aſſert, penes quos Medicina antiquitus erat.
quorum tamen aequè inter Medicos comparere neminem ju-
ſſit, quem non antiquitatis teſtimonio Artis cultorem, ſi non
factorem, monſtravit. Neque tamen omnes aequè magni no-
minis ſunt, quos producit, Medicos, ſed nonnulli minorum
gentium. In quo ipſa varietas legentem delectabit: ceu in
cænis grandibus ſæpe facimus, ut cum optimis cibis ſatiati
ſumus, varietas tamen nobis ex vilioribus grata ſit. Ne Me-
dicos quidem mali commatis, à Græcis Latinisque Poëtis
in fabulis convitiis præſciſſos in hoc Medicorum catalogo
omiſſit. Omnes enim in theatrum producendi erant, nullo
diſcrimine, boni malive eſſent, ut de utriſque juſta ſe poſi-
tis rectius judicium facere liceret Artis candidato, atque ut

Inſpicere tanquam in ſpeculum in vitas omnium

Poſſet, atque ex aliis ſumere exemplum ſibi:

Hoc ſocere, hoc fugere, hoc laudi, hoc vitio ſciret dari.

Quod ſi quis pleroſque eorum à Poëtis fictos, iſtisque nomi-
nibus forte in natura rerum non fuiſſe contendat, cum eo
non litigaverim: fuiſſe tamen aliquando, quos ſub falſis iſtis
fictitiisque nominibus traducere atque exagitare ipſis libue-
rit, vix aliquis negatum iverit. Solenne enim hoc olim
multis erat, non eos tantum, quos amabant, ſub effictis no-
minibus laudare, ſed & quos culpaturi erant, ſub alienis no-
minibus diſſerre, & parcendo perſonis dicere de vitiis. Apu-
leio objectum legimus in judicio, quod Charinum & Cri-
tiam appellaret in verſibus, qui aliis nominibus vocaren-
tur. Is reſpondet: *Eadem opera accuſent C. Carullum, quod*
Leſbiam pro Clodia nominarit, quod, quæ Metella erat, Perillam
ſcripſerit: & Propertium, qui Cynthia dicat, Hoſtium diſſimulet:
& Tibullum, quod æi ſit Plantia in animo, Delia in verſu. Addit,
eodem modo Virgilium, cum puerum amici ſui Pollionis
laudaret, abſtinentem nominum ſe quidem Corydonem,
puerum.

puerum vero Alexin vocasse. Idem & in Medicis istis à Poë-
tis factum credere licet. Ex Chemicis quidem omnes illos
recensere, quos Lapidis sui possessores & inquisitores nomi-
nant, religio Parentis fuit. Quis enim omnes illos, qui vel
solis nominibus, iisque vel nullius linguæ, vel barbaris, vel
fictis in cauto vulgè obtrudi solent, & nominari, citra nau-
seam recenseret? Sunt ex iis *Astrucanus, Agadimon, Avasstratus,*
Aradanus, Aristenes, Argoch, Ascanus, Assares, Astratus, Atamenus,
Bacacer, Balgus, Barcenites, Bollus, Bodillus, Borates, Cadmen, Ce-
rus, Chambar, Cramus, Castos, Dardanus, Dardaris, Danstus, Dia-
medes, Emiganus, Eximenus, Eximianus, Glossarius, Hecyla, Hena sa-
piens, Hyargus, Locastes, Mandinus, Menabadus, Marfolaus, Mo-
sius, Naphirus, Obsemegamus, Orphatus, Pirbea, Rarson, Scitus, Zea-
mon, Zimon. Atque hi, quibus recensendis animo aliquis
linqui possit, adducuntur ab *Auctore Turba Philosophorum, Au-*
ctore Pandora, Auctore splendoris solus, & id genus tenebrioni-
bus, & minorum gentium scriptorculis, ipsis æquè obscuris,
ac sunt illi, quos Arti suæ lucem putant allucere, eamque il-
lustratum ire. Ob talium certè omissionem nemo facile
succenserebit Parenti meo, nisi qui sit de genere horum.

Gessit autem eo ferè se modo Parens in enarrandis Me-
dicis, quo in Historicis Græcis, Latinisquæ, aliisque scripto-
ribus Vir summus *Gerhardus Iohannes Vossius.* Initio Introdu-
ctionem quandam præmisit, in qua & de vasto Medicinæ am-
bitu, & de Medicorum Sectis Ordinibusque ex Antiquitate
omni pluribus agit. Dein libro Primo eos, qui ab Orbe Con-
dito ad usque Urbem Conditam: Secundo, qui ab Urbe Con-
dita usque ad natum Christum: Tercio qui à nato Christo
usque ad sæculi decimi quinti medium vixerunt: Quarto de-
nique omnes, quorum in incerto atas est, ordine Alphabe-
tico enumerat. Quod si enim cui libeat illos quoque, qui
post annum reparatæ salutis MCCCCI fuerant Medici,
colligere & in Theatrum producere,

Ille

Ille pulveris Erythraei

Siderumq; micantium

Subducas numerum prius,

quàm omnes nobis listat.

Posset autem quis putare, actum egisse Parentem meum, cum jam tum non pauci egregii Viri illi operæ vacaverint. Nemo enim harum rerum curiosus temerè ignorat, simile quid conatos *Ottionem Brunfelsium*, *Symphorianum Champegium*, *Robertum Constantinum*, *Israelem Spachium*, *Paschalem Gallum*, *Iohannem Scheuchium*, *Petrum Castellanum*, *Wolfgangum Iustum*, *Ioannem Neandrum*, *Ioannem Autenidem Vander Linden*. Verum de prioribus tribus nihil dicam, quos diligenter licet inquisitos fortuna in manus Parentis pervenire noluit. Quid *Wolfgangus Iustus*, quid *Iohannes Neander*, ille in *Chronologia Medica*, hic in *Natalitius Medicinæ* præstiterint, ex iis liquidum erit, quæ à Parente subinde notabuntur, uterque alioquin laude sua non defraudandus. *Petrus Castellanus* non male, nec indoctè rem exorsus est, sed in paucissimis substitit. Quæ summus Vir *Ioh. Gerh. Vossius* de Medicis congescit libro de Philosophia posthumo capp. xi. xii. xiii. xiv. utut egregia, pauca tamen etiam sunt. Reliqui utilem quidem operam præstiterunt, sed aliud spectarunt, arque iis tantum labore suo inservire voluerunt, qui nomina Auctorum & scripta, ac quoties quibusque in locis ea typis excusa, aut recusa fuerint, nosse desiderant. Ut idcirco hoc seculo præclari quidam & publico bono nati Viri eam ad se curam adhuc pertinere iudicaverint. Inter quos primo loco poni meretur *Thomas Reinesius*. Cum illi institutum Parentis mei per litteras significasset Vir longè doctissimus, amicus noster, *Iohannes Vossius*, ita respondit Reinesius anno 1653. Cl. *Atthomii* munuscula si miseris, immane quantum me tibi devinxis. Video eum colere secretiores litteras, esseq; & reddere digne tua. Pereram Medicorum historiam post *Brunfelsium*, *Champegium*, *Squarcialupum*, *Euchesium*,

Fuchsum, Castellatum, qui hoc seculo scripsit, & Medicarum Bibli-
 othecarum compilatores, digerere & ipse tentavi. Negligenter enim
 eam partem eruditionis tractarunt, quique manum admoveverunt. E
 Celsi, Plinii, Galeni, Celsii Aureliani, Aelii Oribasii scriptis multos
 erui, nemini observatos. Joh. Jonsius, vir eruditus, l. 2. de script.
 hist. Philos. cap. 8. cum de scriptoribus quibusdam Medicis
 egisset: Sed hoc potius, inquit, in relinquenda sunt, qui prisco-
 rum Medicorum Historiam tradunt, quam Ioh. Henr. Meibomius sub
 manibus habuit, sed morte præcepsus imperfectam aliis reliquit.
 Reinsium quoque, Germanorum in hoc litterarum genere doctissimum,
 eandem meditari ex fide dignis cognovi: qui quanto eruditius & so-
 lidius eandem præ multis aliis tradere potest, tanto majore cura
 quoque elaboratam eam propediem publicandam curaturum esse, desi-
 derioque plurimum satisfacturum, certo sumus persuasi. In quo qui-
 dem de Reinsio iudicio planè quædam sentio: sed nunc
 quidem incomparabilis ille Vir tot operibus orbi erudito
 adhuc promissis immortuus est, nec quid de Historia Medica
 sperandum sit, mihi constat. Superest vero adhuc, & exor-
 nat nostri avi gloriam Aegidius Menagius qui publico dudum
 promissit Medicorum Historiam, eamque brevi edendam jam
 ante hos sex annos præsentem mihi spem fecit, quamvis nec
 dum prodierit. Illum verò huic operæ parem esse facile in-
 telligit, qui variam illius lectionem, excellens ingenium, sub-
 actumque in talibus iudicium vel ex novissimis in Diogenem
 Laertium notis perspexerit. In eadem Parisiensi Urbe Phi-
 lippus Labbeus, propter varia ad rem librariam bibliotheca-
 riamque pertinentia egregia scripta, quæ dudum publicavit,
 celeberrimus ante hoc sexennium præsentem fidem fecit, Me-
 dicorum historiam à se dudum congestam esse & aliquando
 publicandam. Verum nec illa hæcenus prodierit, quamvis du-
 dum de eadem aliquod de Vita Galeni ediderit, unde ejus
 in his rebus eruditionem colligere licet. Quomodo Cl. Vir
 Petrus Lambecius vastæ suæ Historiæ Literariæ Medicorum
 quoque

quoque inferere voluerit, ex Prodrōmo paret: verum eam quidem non tam cito absolutam iri persuasi sumus, cum præfertim alios de Bibliotheca Vindobonensi labores nunc illi sub manibus esse intelligam. *Hermannus Conringius* nosse, & nō, uti non pauca ad omnem historiam rei literariæ vitæ, quæ eruditorum pertinentia congescit, ita de Medicis longè plurima egregiè observavit, ut cuius ex variis ejus scriptis, ubi *παιδια* talia tractat, apparet. Scorsim tamen de Medicis aliquid edere, cum à Parente occupatum laborem sciret, noluit, neque nunc aliæ ipsius curæ, ut id agat, permittunt.

Quamvis autem non inviderem, si alius aliquis, Vir eruditus, ex hoc mustaceo laureolam quæreretur, imò jam tum edita illa *CLL*, Virorum modo memorata scripta optarem, auctum tamen etiam de Parentis mei opere seculo nostro aliquid polliceri, ejusque publicationem brevi promittere: cur tamen hætenus nondum prodierit, jam causas dicam. Equidem quadraginta jam & quod excurrit anni sunt, ex quo primum Parens meus illi operæ manum admovit, sed lente admodum processit negotium. Obstabant enim in ampla & populosa urbe *Lubeca*, ubi sedem fixerat, ex multitudine decumbentium occupationes quotidiana. Horatiana illa huc accommodare licet:

*Hic visum vocat, hic auditum tristia, spreto
Omnibus officiis: cubat hic in colle Quirini,
Trans Tiberim longè cubat hic prope Caesaris hortos,
Ille extrema in Aventina, visendus uterq.*

Neque id una aut altera die: sed cotidie volvebatur hic Rhombus, & redibat labor ætius in orbem. Ut proinde his talibus nullum aliud, nec plus temporis impendere potuerit, quàm quod agrotantibus suffragari, & ad lucernam demetiri licuit. Quamvis his ipsis laboribus difficultates & radia in Medicina facienda subnata non parum levaret, seque his quodammodo restauraret: / ceu solent athletæ remissa quibusdam

busdam temporibus ciborum atque exercitiorum certa ne-
cessitate otio & jucundioribus epulis refici. Non parum
vero etiam turbabant morbi, & dolores arthritici, quibus-
cum quotannis ei conficiendum erat, qui tamen ipsi aliquan-
do, quod de mo egredi prohiberent, tempus commodum
his studiis suppeditabant. Præterea vivebat in loco, ubi
pauca ex aliorum bibliothecis subsidia habebat, propriâque
ferè contentus esse cogebatur, unde in multis locis non po-
terat non hære. Accedebat operis ipsius varietas, diffi-
cultasque.

Fronte exile negotium,

Et aignum pueris putes:

Successu labor arduus,

Nec tractabile pondus est.

His de causis abjicere sæpe opus, & tenebris damnare vo-
luit, fecissetque etiam, nisi resistentem incitassent Viri magni
& hujus rei intelligentes, & ut fidem exsolveret, præsta-
retque, quod promississet, monuissent. Inter quos præcipui
fuerunt, nunquam sine præfatione honoris nominandi,
Hugo Grotius, Claudius Salmasius, Hermannus Conringius, Cassar
Hoffmannus. Perrexit igitur in materia diffusa & multis ob-
scuritatibus involuta, & ferè absolvit, quatuor, ceu supra
memoravi, libris. Et, quamvis non ignoraret, multos scri-
ptores diligentiam suam effugisse, tamen solabatur se illo Co-
lumellæ: *In magna sylva boni venatoris est indagare feras com-
plures capere, nec cuiquam culpæ est, non omnes cepisse.* Ideoque
si unum tantum aut alterum annum fata vitam prorogassent,
ipse edidisset, erat enim in recensendo opere quotidie occu-
patus. Cum vero anno quinquagesimo quinto hujus seculi
curis, laboribus, morbisque confectus moreretur, mihi uni-
co hæredi masculo cedere id opus voluit, ea lege, ut matu-
ratate maturoque aliquando judicio recenserem, recens-
tumque publicarem: ego verò tum sextum tantum & de-

cimum annum compleveram. Noverat enim, opus illud
ultimam manum adhuc desiderare, & extare non paucis in
locis lacunas, propter defectum potissimum librorum, natas,
quas suppleri aliquando a me volebat. Ego vero nihil prius
habui, quam, ut, quod pieras ipsa requirebat, illi Parentis
voluntati, & eruditi orbis expectationi satisfacerem: ideo-
que de illo supplendo augendoque nunquam non cogitavi.
Et vero ausim dicere, non paritenda quadam interea a me
observata esse, praesertim, dum primarias Europae biblio-
thecas lustrare contigit, quae exornando operi, imo emen-
dando esse possint. Quin & illud constat, intra hos quatuor-
decim a Parentis obitu annos non paucos etiam publicis ty-
pis excusos esse libros, unde augeri haec historia possit. De
uno tamen hic imprimis apud te conqueri cogor, eruditissi-
me Vir. Nullibi magis defecit. Parens, quam in Arabum
Medicorum historia contexenda, quorum tamen numerus
longe est maximus, quique si defuerint, minus perfectum
quis opus hoc non immerito dicat. Qui enim in illa opere
aliquod pretium facere voluerit, & exactam Arabicam linguam
notitiam habere debet, & cum ipsorum Medicorum Ara-
bum, tum illorum librorum copiam, qui de Vitis Arabum
Philosophorum & Medicorum in Bibliothecis extare memo-
rantur. Ab utraque autem destitutum Parentem meum
libens fateor: qui igitur ita suffenus sum, ut lapsum ab eo ca-
veri potuisse putem. Sollicitavit per literas multos praecla-
ros Viros, ut subsidia sibi mitterent, sed partim inanibus
promissis lactatus, partim sine spe dimissus est. Quae ad
hanc rem in sola Bibliotheca Lugduno-Barava extant admi-
nicula a Cui. Viris *Erpenio Colioq.*, notissimum tibi est, omnia
tamen haecenus inedita sunt. Existimant eruditi superesse
ibi etiam *Ben Casen* illum, qui doctissimorum Arabum histo-
riam scripsisse memoratur a Gabriele & Johanne Maronitis
& Geographiam Nubiensem. Sane Auctor qui ibi extat, *Ibn*
Abinbse.

Ablofseiba, alias *Elaigbas Ahmed ben Cafen* plurima proponit; fititulus nos non fallit: non Medicos tantum Græcos, Hippocratis discipulos, Galeno posteriores, Alexandrinos (quorum forte historia aliunde haberi posset) sed ex Arabibus eos, qui à tempore manifestati Islamismi quique initio imperii Abassidarum celebres fuerunt, quique libros Medicos, aliosque ex lingua Græca in Arabicam transfulerunt: quibus denique Babyloniorum, Barbarorum, Indorum, Afrorum, Egyptiorum, Syrorum Medicos subjunxit. Et verò memini, me cum Lugduni Batavorum ante plures annos viverem, Viro longè celeberrimo *Iacobo Golio* non tantum de his thesauris publicandis vellicare aurem, sed & rogare, ut si quæ singularia de Medicis Arabibus legisset, annotassetque, ea communicare mecum vellet, suis à me locis cum præfatione debiti honoris inferenda. Verum me præsentem quidem inter promissa res fterit, nec quicquam impetrare potui: nunc vero propter optimi viri obitum, inde sperare nihil licet. *Andreas Alpagus*, vir doctus, præf. Interpr. nom. Arabicor. Avicenn. Medicorum & Philosophorum Arabum Historiam Latinè se transfuisse scribit: verum cuius illa fuerit, & quo pervenerit, juxta cum ignarissimis scio. Editam esse non arbitror.

Solius *Iohannis Leonis*, cujus Historia Africana extat, de ea re scriptum habemus. Equidem dici non potest, quanto illius desiderio flagraverim, ex quo & ab ipso in Historia Arabica memorari & Excerpta ejus quadam à Gerh. Joh. Vossio libro de Philosophia ad duci observavi. Tandem indicio Cl. Joh. Rhodii ad Scribonium Largum in Illustri Medicea Bibliotheca extare deprehendi. Cum vero ante plures annos Florentiæ per menses aliquot hærerem, doctissimorumque illic virorum, nobilitate incertum generis an virtute & eruditione præstantium magis, *Caroli Duri*, *Carvaleanti*, *Redii*, *Givaldi*, *Sirozzi*, *Mallabeci* conversatione fruerer, non tantum mox ad ipsam Bibliothecam liberrimus patuit aditus, sed & Leonis Historia descri-

describenda mihi oblata est, quam cum MSto Codice diligenter contuli. Extat ille Pluteo xxxvi. habenturque in eopse Codice quidam Orphei & Procli Hymni soluta oratione, & prater hanc clarorum virorum historiam, ejusdem Leonis quædam de *Arte Medica Arabum*, ejusque inventore *Elebali*. In ipsa historia prater viginti octo Arabas, quibus totidem capita destinantur, quinque quoque Hebræi, viri præclari, describuntur. In quatuor autem capitibus quædam desiderantur in 22. & 25. defectus tantum aliquis est, 23. autem & 24. planè deest. Unde autem suppleri hic defectus possit, non video, cum, quod equidem sciam, non extet alibi exemplar, quod non ex Florentino Codice descriptum sit. Nam & quæ Vossius excerpta habet, hinc sine dubio deprompta. Florentinum quidem ex Archetypo descriptum esse, in calce libelli memoratur, ubi autem illud archetypum extet, non dixerim. Translationem ex Arabico esse satis patet, siue Auctor ipse transulerit, siue alius quis, quomodo Arabia ejusdem Leonis Arabicè conscripta non ab ipso in linguam Latinam, sed à Johanne Floriano translata est. Quod autem Arabicum ipsum alicubi supersit, non constat, nisi forte in Vaticana Bibliotheca lateat, inibi repositum à Leone X. Pontifice, qui patronus illius fuit, nomenque Christiano facto de suis dedit. Ante paucos annos hunc librum edidit Cl. *Hottingerus*, & Biblioth. l. 2. p. 426. inseruit, ut ita ab omnibus jam legi possit. Scribit sibi ab Amico ex Italia oblatum, nec quicquam præterea addit, ego vero certus sum, ex eopse, quem dixi, Codice Florentino depromptum ad eum missum esse. Non paritet autem, ne nunc quidem post factam ab Hottingero publicationem, impensè in describendo operæ. Nonnulla enim ab illo descriptore omissa sunt, quæ in MSto habentur, quædam quidem non magni adeo momenti, alibi tamen non parvam in annorum notatione variationem deprehendi. Verùm enim vero, quamvis multa egregia nos doceat hic *Johannes Leo*,
per

25

per illius tamen scriptum omnes scrupulos sublato nemo dicere audebit. Quin in iis præterea, qui in Arabum scriptis citantur non parva difficultas occurrit, dum interpretes minus rectè nomina propria, alii etiam aliter, Latine reddunt, aut Latinas terminationes in fine addunt. Recurri utique deberet ad fontes, qui in Bibliothecis illustribus habentur, sed illi quidem consuli nisi à peritia linguæ instructo non possunt. Ea verò nec mihi adest, nec Parenti, ut jam tum antea falsus sum, fuit. In quibusdam conjectura aliquid licet adsequare. Ita *Arcigonesi* & *Artigenesi* à Rhase citatus l.v. continent. c. i. & *Arcagani* c. iii. item *Arcagenisius* l. vi. c. i. non tantum unus idemque sunt, sed & nullus alius, quam *Archigenes*, sæpius à Galeno, & ex hoc Arabibus adductus. *Arabasius* & *Urbasius* ibidem loci, quis alius est, quam *Oribasius* & *Ancilisius*, *Ancilisius*, *Aniles* vel *Anilis* apud eundem Rhasin l. ii. c. v. c. vi. est *Anyllus*. *Abolanis* l. iii. c. vii. interpretor *Apollonius*. *Filogorus* & *Filogorisius* forte est *Philagrius*: *Baladius*, *Paladius*. Qualia monstra se studiose notasse, & in scenam aliquando produciurum promisit Reinesius. In aliis conjectura fallit. Quorundam verò Arabum nomina sono sibi invicem tam sunt vicina, ut unus pluresve iis significantur, dijudicari nequeat. Ex his difficultatibus, Vir πολυλωστοτατη, si me expediveris, rem præclaram feceris. Non dubito, quin longè plurima circa Arabes Medicos observaveris, cumque ingenio & iudicio polleas, & linguæ peritia sis instructus, nec desint scripta ipsa, multa aliis rectius docere nos possis. Quæ si communicare aliquando volueris, ut appendicis loco, aut quomodocunque placeat, Syntagmati Parentis m'i accedant, non publicum tantum plurimum, sed me imprimis tibi devincies. Stat enim jam sententia, maturare quantum licet editionem. Vrgent me quotidie docti Viri, nec ferè ex Gallia à magno illo Medico & Polyhistore *Guidone Patino* litteras accipio, quin de Historia Medica me moneat. Quod vero nec dum

dum prodierit, antehac quidem vira mea desultoria, peregrinationibus magnam partem per acta, in causa fuit, dein vero, postquam Professionem Medicam in hac Academia Julia suscepi, difficiles inter initia & continui labores; dum Auditorum profectus maxima merito nobis habenda est ratio, operaque danda, ut non tam benè scripsisse libri, quàm benè docuisse discipuli testentur. Anatomica præsertim, quæ à me nunc tractantur, studia vel sola, experimentorum & novarum observationum varietate, longè plurimum temporis sibi poscunt.

Interim, dum hæc mihi curæ sunt, non possum non, Clarissime Vir, tuum quoque Institutum laudare; utque ingens illud, Artique Medicæ maximè profuturum volumen, quod promittis, absolvere possis, vitam longam viresque integras apprecor. Si juvare alicubi te à me posse putaveris, nunquam deero, qui juxta tecum publico bono studia mea devovi. Sunt & penes me non contemnenda quadam præstantium Medicorum scripta, Consilia, Observationes &c. quæ omnia publicari non prohibebo (αφ' ους ειναι δεῖ μισθὸν ἰσχυρὰ) ut Thesaurus Experientiæ Medicæ, ultima pars magni operis tui, vel illa levicula accessione augmentetur. Quam enim de hujus rei utilitate tibi consentiam, vel ex illa Epistola mea patet, quam ante hos quatuor annos ad Cl. *Hermannum Conerdinium* scriptam Bootii Observationibus à me editis præmisi. Sed non moror te nunc diutius, Vir præstantissime. Vale igitur, & affectum tuum porro integrum mihi serva. Ego, quem certa opinione doctrinæ & virtutis æstimare capi, colere non desinam, quamdiu & huic & illi pretium ponere scivero. Dabam Helmæstadii in Academia Julia iv. Kalend. Februar. Anno MDC LIX.

564 4588